

古丈坪廳志卷二輿圖上目錄

爰始太初地天陳列此為隩區山川蘊結歷萬千年圖畫偶綴繪之說之方輿斯別志輿圖第一

序說

疆域圖說 輿圖之一



疆域總說 說一

古丈坪廳全圖 圖一

古丈坪廳說 說二

古丈坪廳苗疆圖 圖四

古丈坪廳苗疆說 說三

冲正保圖 圖三

古丈坪廳志

卷二

一

冲正保說 說四

功全保圖 圖四

功全保說 說五

羅依保圖 圖五

羅依保說 說六

西英保圖 圖六

西英保說 說七

圖說第一類疆域凡為圖六為說七

山水圖說 輿圖之二

山水總說 一說

通明山圖 圖一

通明山說 說二

白巖圖 圖二

白巖說 說三

穿洞圖 圖三 遊記一

穿洞說 說四

羅衣溪圖 圖四

羅衣溪說 說五

阿拉溪圖 圖五

阿拉溪說 說六

白洋溪圖 圖六

白洋溪說 說七

古丈坪廳志

卷二

一一

土溪圖 圖七

土溪說 說八

圖說第二類山川凡為圖七為說八為遊記一

皇殿學宮廟祠圖說 輿圖之三

皇殿學宮廟祠總說 說一

皇殿學宮圖 圖一

皇殿學宮謹說 說二

古丈坪廳興學記 記一

文昌祠圖 圖二

文昌祠說 說三

武廟圖 圖三

武廟說 說四

鎮遠靖遠綏遠三王廟圖 圖四

鎮遠靖遠綏遠三王廟說 說五

城隍廟圖 圖五

城隍廟說 說六

昭忠祠圖 圖六

昭忠祠說 說七

圖說第三類 皇殿學宮廟祠 凡為圖六為說七為記一

衙署倉庫圖說 與圖之四

衙署倉庫總說 說一

古丈坪撫民府署圖 庫圖附見 圖一

古丈坪廳志 卷二 三

古丈坪撫民府署說 說二

古丈坪廳庫記 記一

常平倉圖 圖二

常平倉說 說三

古丈坪廳萬石倉記 記二

龍鼻嘴行臺記 記三

南竹傅公祠記 記四

巡司兼管獄務署圖 圖三

巡司兼管獄務署說 說四

圖說第四類衙署倉庫凡為圖三為說四為記四

營汛城堡圖說 與圖之五

營汛城堡總說 說一

古丈坪營都關府署圖 圖一

古丈坪營都關府署說 說四

耑城千總署圖 圖二

耑城千總署說

新寨汛圖 圖三

新寨汛說 說四

龍鼻嘴汛圖 圖四

龍鼻嘴汛說 說五

旦武營汛圖 圖五

旦武營汛說 說六

古丈坪廳志 卷二

土蠻坡汛圖 圖六

土蠻坡汛說 說七

黑潭坪汛圖 圖七

黑潭坪汛說 說八

曹家坪協防汛圖 圖八

曹家坪協防汛說 說九

床機坡協防汛圖 圖九

床機坡協防汛說 說十

巖坳協防汛圖 圖十

巖坳協防汛說 說十一

排沙協防汛圖 圖一十一

排沙協防汛說 說 十二

附城協防火葯局圖 圖 十二

附城協防火葯局說 說 十三

城堡塘防圖 十三

城堡塘防說 說 十四

校場圖 圖 十四

校場說 說 十五

圖說第五類營汛城堡凡爲圖十四說

以上輿圖卷上爲類五爲圖三十六爲說四十一爲記六爲序  
說一是爲廳志二卷

古丈坪廳志卷二

輿圖第一有序

知古丈坪廳事董鴻勳撰

形方土訓郡國圖經言方志者必先輿圖古丈坪無廳志遂亦無輿圖自雍正間改土歸流閱二百年圖苗疆者附諸永順縣輿圖東南之一隅考苗防者有古丈坪廳碉卡一圖永順縣志古丈坪廳輯略古丈坪輿圖亦卽苗防屯政考之碉卡圖而易其稱今茲舉方輿之界於古丈坪者分圖陳說爲圖說之類凡八曰疆域曰山川曰  
皇殿學宮廟祠曰衙署倉庫曰營汛碉卡曰屯防曰苗防曰官園林未能徧圖爲輿圖彙說一而後古丈坪廳之爲廳也確然有定域於寰中行省府廳州縣矣鴻勳謹識

古丈坪廳志

卷二

六

疆域圖說一

疆域總說

湖廣湖南長沙等處布政使司永順府古丈坪廳治古丈坪在京師偏西六度三十五分北緯三十八度二十三分陸路四千零八十里又一百二十里官書府治至京四千八十里苗防備覽古文坪在永順縣城南一百二十里永順卽府治附郭縣在布政使司治長沙府偏西南水路一千零五十里陸路九百九十里此據現在通行道理言之官書載府治至省六百里加以廳治距府里數亦祇七百二十里未知何故辰永沅靖分巡道治鳳凰廳東北陸路二百一十里無水路永順府治東南一百四十里此據在通行道里言之又水路四十五里出羅依溪溯酉水而上十五里至

永順縣之王村司入永順猛崗河又一百六十五里至府治綜計東西經綫一百三十里南北緯綫一百三十五里周圍折算五百里而弱

四至

東與辰州府屬沅陵縣之草塘舖接界距城八十里

西與府屬保靖縣之白棲關接界距城五十里

南與乾州直隸廳之喜鵲營接界距城九十里

北濱河至府屬永順縣之王村司接界距城四十五里  
八到

東南九十里至山棗溪與沅陵縣之拱勝坪汛接界

偏東南一百里至銅鼓坡與辰州府瀘溪縣之爛草坪塘接界

古文坪廳志

卷二

七

東北八十里至高望界與永順縣之李家洞接界

偏東北三十里至羅依溪與永順縣之王村沅陵縣之會溪坪接界

西南二十五里至宋家若與保靖縣之排若接界

偏西南六十里至旦它與乾州之喜鵲營接界

西北三十里至惹鼻溪與永順縣之王村接界

偏西北十五里至蔡家莊塘與永順縣之梳頭溪接界

東北俱是民村西南俱是苗寨崇山不通大道小溪不通舟楫東

南西俱陸路極險惟北路沿溪行稍平三十里至羅依溪通北河

水路

此條輯畧文原

錄輯畧古陽八景條原文

山水輿圖植物皆有故以附此

龍潭印月 城西北隅相傳爲龍潭口 水色秀綠深不可測夜  
月照其中如珠滾盤然

虎嶺嘯雲 城南五里其嶺高如虎負嵎常有雲霧氣盤聚其上  
西場賽社 城西門外有坪可容二千餘人卽古丈坪營之演武  
廳每遇五月二十八日迎神會期各村男女聚會場期互相歌和  
此俗至今猶存

南浦觀濤 城南門外兩水夾流春水漲時波濤流湧如拜揖之  
狀

桐花飄雪 城東五里有桐百餘株花開落時隨風飄舞如飛花  
滾雪之狀

楊柳垂陰 城北門外沿河垂柳千株濃陰一碧其下可浣衣乘

涼

谿桃紅雨 城南五里紅沙溪徧種桃樹二月花開光艷奪目落  
如紅雨

叢桂香風 城南文昌宮有丹黃桂二種當秋花時十里皆杳杳  
八景之說已成志書習見且多強湊古丈坪八景皆有實事文亦  
簡明故自可存亦以見官蠻荒者山川花樹故自親人移風易俗  
在此教養正無庸抑抑也

錄永順縣志卷七古丈坪廳輯畧小序原文

案古丈坪廳在永順縣東南界逼近紅苗與乾州鎮筸毘連峽險山崇足資保障自道光三年改設其賦役學校仍隸縣而文職統於府治武職轄於提標既與縣治攸分若綜列縣志之中殊於體例未協且地輿城市公廨亦應另繪一圖軍興以來由行伍起家擢至專閫大員者亦不盡歸縣籍爰就採訪所及彙輯成編雖軼事尙多未臻美備而詳載府縣志者皆可按籍而求他年文物聲明日新月異將見人才蔚起繼是編而增美無窮矣

錄永順縣志卷八雜識二條


春秋時楚子滅巴巴子兄弟五人流入五溪各爲一溪之長其中有與大江合者有與異者曰辰其與大江合者也曰澗曰雄曰櫛其不相合者也曰酉相合而仍異者也其相合而仍異者又有小酉溪溪在酉口之內自苗地百里外發源望東而合酉江櫛溪自酉陽入入於上也酉溪自西山入於下也澗水本作無亦曰舞一作澗又曰巫一名而五書出古丈坪界乾州廳武山山半有石貌狗而人立俗以爲槃瓠考應邵書謂高辛氏之犬名曰槃瓠婁帝之女乃生六男六女自相夫婦是爲南蠻其說誕甚案伯益經云卞明生白犬是爲蠻人之祖卞明黃帝氏之曾孫也白犬者如後世犬子豹奴云爾非真犬也况其說云募有得犬戎吳將軍首

者黃金千鎰邑萬家妻以少女豈知金古以斤計秦始曰鎰三代分土漢始分人將軍爲周末之官吳姓至周始有是何足以誣高辛氏哉按酉溪之出於廳境後已明之澗江自貴州鎮遠來謂之鎮陽江至黔陽會於沅水至瀘溪武水入之所謂澗水一名而書五出古丈坪界乾州之武山當卽指武溪爲澗矣峒河一名盧江有三源在苗巢之中至乾州城武溪入之自後稱此水曰武溪是雜識之言澗與沅水之澗有殊矣至高辛氏之辨本諸儒先以理度之情勢應如是矣

又按酉溪水出廳境轆頂山北過沙坪雄溪會焉與雄溪自廣西界合綏甯通道諸水自北注之江在靖州會同管之洪江市入沅者自是兩溪五溪之雄溪當是自廣西界來之雄溪矣但所謂其

不相合於大江者究未知何所指明也  
顧祖禹讀史方輿紀要辰州盧溪嘉慶年改瀘下引山海經言五  
溪辰雄櫺酉濩亦甚簡略祇一二語是時永順猶爲宣慰未嘗郡  
縣其地故考之亦疏爾

古丈坪廳北圖



廳城道每方十里  
 大路每方十里  
 水山界保界外

南

古丈坪廳說

古丈坪廳以廳治古仗坪得名治本古仗場從丈省文所屬又有小古仗坪苗疆也廳轄境遼遠山川盤鬱苗防備覽稱廳治四面高峯層疊中開一坪溪流環繞綠柳垂蔭雖萬山中風景差可人意雍正七年永順改土歸流開設府治以此間地連乾州密邇苗巢防範不可少疏分駐督捕同知督永順各屬捕務嘉慶紅苗之役既失旋復其時督捕治已盡今廳屬之轄境與乾州鳳凰永綏號苗疆四廳稱最要地道光二年改建撫民廳割永順之羅依西英功全冲正四保建治去所屬永順等處督捕之任專任地方事明白其自成一廳矣

治城周圍一里零三分計長二百四十三丈設三門南曰迎薰西

古丈坪廳志

卷二

十三

曰瑞金北曰台平東有礮樓一座卽嘉慶二十四年所建之石堡也


所屬今爲六保曰內冲正保外冲正保內功全保外功全保西英保羅依保

所屬民村二百二十八寨苗村五十八寨皆以村稱寨非真有土石周垣如堡寨之制也

六保山多田少刀耕火種男女合作全賴桐茶雜糧以補不足近始推講利源矣土地除近四溪河者有水田其餘皆係山地百種皆宜卹產尤豐詳後卹產植物各記中不贅及

苗疆符號.....

苗疆圖



回

疆

苗

古丈坪廳苗疆說

古丈坪廳爲白巖施溶田家三洞長官司故地往時土官各於間地招生苗開種故近乾州一帶苗寨碁布土官威足箝制遇有徵調輒抽苗丁令土弁督爲先驅無敢違者其種與在保靖者俱屬黑苗服飾與三廳無甚區別而風氣稍馴無伏草攫人之習今統屬苗守備一人管轄

苗人父子兄弟不同居析分寨落漸多而尙依老名爲五十八寨籍之止於有司者如是耳  
其山川州之分圖未有能晰繪者要其大略止此矣



冲正保說

冲正保分內外內卽本城保東界乾州瀘溪西界保靖縣及廳之  
西英保北界羅依保南界乾州廳領寨 爛草坪 鮎魚坪 鐵  
匠寨 狗咬坪 子排 俄梨坪 岩坎寨 大坪 丹頭寨  
把天寨 銅鼓坡 雷公界 以上十二寨三面乾州一面瀘溪  
歧出於冲正保之東如長圓形繫於廳境者不絕如綫 爆木坪  
洞上 狗矢寨 黃麂坡 阿瓢溪 濫泥田 坪垣 天台山  
溪口 雅家 曹家坪 土蠻坡 下窩喇 上窩喇 碓春溪  
叭喇 杉木嶺 岩坳 屋場坪 老塘坊 柑子坪 新寨  
長潭 岩它 大米地 毛田 洞上 宋家若 溪流墨 官  
垣 塘上 蔡家河 石鐵寨 下達沙 中西歧 以上並廳

古丈坪廳志

卷二

十七

治古丈坪凡四十有六寨一城共四十七處新寨岩均土蠻坡曹  
家坪暨古丈坪本營凡爲營汛五

本城保較爲殷繁羅衣溪窩拉溪縈帶境內礦產有金鐵煤之饒  
種植雜糧果木之類桑茶楛蠟之樹與水田稻穀相輔而行此保  
內有兩洞上一近功全保在東一近長潭在西相去約八十里



功全保說

功全保東界瀘溪縣西界本廳羅依保南界冲正保北界沅陵縣  
 永順轄境東西相距七十里南北相距五十五里領寨 亮它山  
 棗溪 磨刀岩 大雞坡 新寨 叢樹溶 別州 銀坪 老  
 寨匾桶溪 洞坪 花岩 白羊坪 天門星 高寨 萬貫塘  
 筍箕田 鵲兒潭 團堡 火麻坪 穿坳 茨秋坪 鸞溝溪  
 床機坡 干溪 舒家寨 狗雞坪 沙坪 熊溪 下河蓬  
 上河蓬 穿洞 大級坪 福興場 土溪 芭蕉溪 上鮎溪  
 瓦屋冲 野豬坪插鉢寨 竹坪 麻坪 官坪 岩寨 拱寨  
 沙山衣坡 柘皮溪 兩岔溪 長冲 矮坳 兩扇門 旦武  
 營 岩頭寨 棉花寨 坪家寨 豺狗寨 磨子坪 雞婆寨

古丈坪廳志

卷二

十九

白洋溪 窩它田 銀香坪 魯牙寨 桐油坪 告坡 梓木  
 坪 中溪 黃牛溪 丫施溪 蒿根坪 長沙洞 岩它 高  
 望界 分水界 上洞溪 以上計七十六寨  
 有白洋溪即西溪自境內發源由西而東過瀘溪出烏宿土溪亦  
 自西而東與西溪會出烏宿轄境於四保最為遼闊風氣以河蓬  
 官坪為最悍近來文化漸洽非復舊觀土俗以田為富有至千石  
 者


羅依保圖



羅依保說

羅依保東界廳境之功全保西界永順縣北界酉水對河爲永順界南界廳境之冲正保轄境東西相距四十里南北相距四十里領寨 羅依溪 下半溪 中半溪 上半溪 一碗水 楊家寨 青崗坡 狗耳岩 籠雞寨 竹坪 蔡家河 上茅坡 大潭 龍家寨 猴兒 且茶下 貓兒潭 通明山 泥彎潭 黑潭坪 黑潭坪汛 下茅坡 龍潭坪 樹棲柯 三道河 竹溪 文家寨 馬路溪 茅坪 焦溪 小官坪 大官坪 叢樹坪 王家堡 青魚潭 達視坡 魯牙溪 阿漢溪 舒家寨 黑臉岩 麻梨舖 茶山 尙家寨 張家寨 (半插入功全境內) 楓香坡 龍家洞 康家寨 牛耳山 楓香坪

小茶坪 大茶坪 人溪 共計五十二寨境內羅江自南而北由內冲正保界入境出酉水之口曰羅依溪市水田亦美種植桐茶爲大宗商販聚於溪口魚苗之利亦爲四保所獨擅川鹽由北河入境全廳口食所資故斯保爲廳轄交通最便之區有黑潭坪一汛



西英保說

西英保西北作迤長勢極北徧西有一土東南北三面界羅依保西界永順縣爲寨四曰 窩家湖 石壁溪 張家冲舒家寨自此自北斜迤西南中斷約十餘里爲永順境復續北界羅依保東南二面界冲正保西界永順爲寨一曰 柏梓樟自此由北斜迤東南中斷又爲保靖縣地迤而南極東豁然開一大土北爲冲正保界南北斜長八十里有奇東西延寬五十里有奇若專就正方計算東西寬處四十里南北寬處四十里有奇爲寨曰 熱溪 蝦公塘 毛坪 排達牛 李家寨 龍鼻嘴 潭溪 坎着 賣若 九龍洞 響水洞 梨木山 尙家寨 吳家寨 扒有 高梁洞 白岩 天橋山 共計二十三寨爲龍鼻嘴汛一

境內蝦公塘爲羅江發源之處龍鼻嘴乃屯苗汛防市場所集之處最爲要地

環龍鼻嘴苗寨頗有富戶苗錦亦出於此市間

以上四保今圖審定者二百有三寨就其耳目熟習者言之以無一定冊籍也餘詳說民村寨說苗村內

彭氏世有永順分所轄爲旂有西字英字功字各旂西英功全兩保當因其舊羅依自以溪氏惟冲正未知所以氏保之故保書原作堡亦堡寨之意省文作保其分保之界始於何日尙無從考相傳在改土歸流之前云  
其生業山地桐茶爲多水田較少

山水圖說二

山水總說

古丈坪山脈以東北之高望界爲最高以高下論山脈本廳地形東北高而西南下由廳治古丈坪東北境至其山頂由此脈南下至分水界左分一支東下至蓑衣坡草塘而止正脈復南至大茶坪左分一支東下盡於洞坪復南至大栗子均右分一支西向古丈坪盡於東梁山左分一支盡於瓦屋冲正脈南至樵子莊左分一支東下盡於兩岔溪正脈再南至岩坳右分一支西北行支脈復二一盡於城南一盡於猛虎嶺右分一支東南行至雞婁寨右分一支南下盡於丫角山之轉頭山正支至矮坳右分一支南下盡於官坪右又分一支南下盡於大溪坪左分一支東下盡於雷

古丈坪廳志

卷二

二四


鉢山土溪正支復東南行至川坳右分一支南下盡於河棚正支轉而東北如沅陵境正脈自岩坳南下爲獅子崖爲轎頂山由南分一支東南行爲瞎眼坡盡於白洋溪由西分一支盡於長潭正脈再南右分一支盡於排口塘再南左分一支東南行爲尖山至碓舂溪左分一支盡於葛藤寨正支東行至坪坝折而北至銅鼓坡入瀘溪縣境正脈折而西爲天礮山再西至熱達樹入保靖縣境卽呂洞山來脈也在保靖縣西南近今輿地家繪沅西間山脈皆以呂洞山爲主自南而北古丈坪山脈亦自呂洞迤邐而來入西南而出東北然就一廳而論宜視地勢之高下而後有所主腦脈絡易清古丈坪東北高而西南低以西南爲主則糾錯複雜無所統緒不惟支派難辨且無措手處故今論山脈以高望界爲主

而不主呂洞 山脉之說爲前儒所駁然山河兩式形勢高下與來龍去脉之見迥異固言輿地者所不廢也再西至狗腦山右分一支北行復入廳西南境盡於排口塘北再西至分水均右分一支入廳西北境爲南山爲通明山盡於土强坡此閤廳山脉之大勢全局也

閤廳水道源流共爲四溪流域地治城爲羅衣溪流域卽羅油溪見酈氏水經注今衣作依苗防備覽作衣治南爲阿拉溪流域東南爲白洋溪流域東爲土溪流域其餘小溪皆入之諸水源皆山溪漲落弗時雨集則溝壑皆盈久晴則涸可立待惟羅衣溪稍大春水發時鑿溶可以行舟經流百里入於酉水今議疏通以便商貨阿拉溪自坪坝以下可以舟行出峒河其餘兩溪河雖難行舟

沿溪農田灌溉水利所資皆古丈坪之寶也

通明山



羅依溪

通明山說

通明山在治北二十里羅依保且茶哈山勢陡險下臨深潭上建有祖師觀音等廟錄輯畧凡輯略所載各山水未及圖者依類分附於各條皆依原文以存其真

青雲山城北里許聳拔入雲四時青光不斷上建觀音菴文筆山城南三里許峯勢高聳遙望如文筆插天外

轎頂山城南十五里西英保高涼洞形如轎頂

玉屏山東梁山後第二峯自對面觀之恰如屏狀城東里許出龍肝石可鑿爲硯畧叅時說

丫角山城南三十里苗地兩峯並峙高聳入雲土人相傳山頂昔建有古廟年久朽壞僅存磚瓦遺跡


白羊山城南二十五里小酉水發源於此

又錄輯略勝蹟條原文

貓兒菴又名通明山在城北二十里羅依保山勢聳拔古樹叢繞成圍遙望狀如貓兒下臨深潭碧綠澄清古陽河凡九渡惟此最深行人恒畏之

天礮山寺

白巖圖



白巖說

白巖卽天橋山在西英保治城南二十五里上建有祖師觀音佛殿神最靈俗云雷電呵護之

本輯畧

又輯畧勝蹟一條

天橋山城南二十五里山腰兩峯對峙橫石如梁下臨百餘丈洞深難測俯視涼風襲人面建佛殿其上四壁懸白崖山以名也始無路可通土人於橋旁小阜鑿石爲磴架木二丈許爲橋梯階入望爲進香亭其石有到懸如靴直豎如筆如劍如席帽者其洞有水曰龍曰雷曰鳳凰窩者山無名而人爲之名也每六月朔各砦村男女結伴爲進香會西英保之勝概也原註節錄生員危紹南詩序而佚其詩

白巖之名最古從前白巖長官司以此名今其地民村亦氏白巖

■有題爲白巖八景者曰天橋暮鼓曰龍洞飛泉曰錦鷄放彩

□有


石雞

曰文筆參天曰懸空拄笏曰石鼎生烟

頗多題詠之者

香爐巖亦名香爐山城東沿溪行五里許平地突起一峯高可數丈其頂上石形如香爐在本城保水田溪

穿洞圖



穿洞說

穿洞在外功全保河蓬治城南五十里山勢壁立中空一洞溪水自洞中橫流而出石片鱗鱗纍疊如壁砌然輯略文

猛虎嶺城南三里許山勢雄猛如虎蹲立

南山坳城西十里坳勢蟠鬱爲通保靖縣大道

廳境萬山叢繞治城畧平餘則幾於寸地皆山今創修志書繪山之圖三

畧見山岩梗概以俟續修志者廣之


穿洞遊記

客有遊於穿洞者歸造於庭以告曰穿洞乃天然妙境蠻方之清虛洞府佛家之智慧海清淨世界也請爲述之穿洞在治城之東南居河蓬場之西北去治城一日程兩山排闥勢如率然□徐蜿

蜒而下合成青玉窠形山下空穿碧流湍湍自洞而出深遠半里餘高闊<sup>五四</sup>丈洞內里許有海螺石均係沙石裏成一石形如海螺然有石高丈餘其頂寬平紋如楸枰名棋盤岩又洞內左山壁立中有石如象形首口嘴鼻宛然名曰鐵欄關象右山峯巒高聳首尾儼然如獅蹲拜之狀名曰青獅朝天其餘鐘乳石泉之景美不暇接由此而進五里外始有村落往來者別無道路均傍小溪由洞門出入其間泉甘土肥山壑秀美不減武陵之桃源太行之盤谷游跡所至別有天地客之所述止此余聞之欣然欲遊之未能也乃告於客曰天地厥開此爲隩區山川賦形各蘊奇靈穿洞之勝乃至於此使此間開礦疏河種植繁興旣富且康則斯洞豈惟道家佛氏之勝境乃古丈坪人優遊養氣讀書求志之勝境抑亦

五洲選勝遊觀之勝境也然則吾人方致力於簿書程功於教養而民胞物與乃在此遊懷抱中來其亦智名勇功而有春風沂水之懷歟客爲古丈坪陳季春梅霖現以武弁需次營中能文肆應者也記之者知撫民府事直隸開州董鴻勳湘船也時在光緒丁未季春中浣

羅依溪圖



羅衣溪說

羅衣溪古羅油溪衣今作依有三源南源出白崖洞西北流蝦蚣溪會焉（今其地名蝦蚣塘）中源出保靖縣六都之狗腦山東流出翁草折而東北入廳屬西英保境過茅坪入於南源西源出保靖縣六都之分水均卽廳西北境山發源處也東流經排若過夯水入廳屬內冲正保境東過宋家若達於經流三源既合北過熱溪梳頭溪會焉（梳頭溪有二源左源出梳頭溪寨右源喜寄會於廳冲正保官垵）

東流經溪良墨洞上會於經流北出長潭惡濁溪會焉（溪源出轎頂山）又北至新寨紅沙溪會焉（溪源出蔡家莊）又北至城南水田溪會焉（源出三十六灣距城三十里西英保境）繞城過三道

河達樹西科龍潭坪大溪潭溪會焉再北過黑潭坪官坪茅坪達於羅依溪惹鼻溪會焉（溪源出西英保）出溪口入北河卽西水光緒三十二年六月二十一日履任由羅依溪口陸行三十里至城見河流九曲農田碾垵所資加以疏濬可以通貨行舟乃選委親勘估繪此圖卽其時估繪并採其二說列入藝文以程成績而示來茲

錄輯略原文山水條

古丈坪河城南六十里源出保靖縣境之狗腦山北流三十里經宋家巖出長潭至本城南門外繞城北曲折下流三十里至羅依溪入大江沿河亂石激湍水勢汹涌奇險異常秋冬水涸褰裳可渡春夏水漲似可通舟然人畏其險無有問津者按此卽指羅衣

溪言文似過簡存之以毋忘始事之功好事者又有羅江八景載於輯略勝蹟條今并存曰羅江夜雨 野徑歸樵 石盂甘泉 龍潭漁網 雙溪印月 高望積雪 茅店雞聲 蕭寺煙鐘（原注貢生唐明信舊有詩今佚）

又錄輯畧原文山水條四則

蔡家河城西三里許源出保靖縣米希溝下流二十餘里經紅沙溪上流五里許迂曲而出至新寨汛入古陽河計程三十里（古丈坪亦稱古陽）按山南水北謂之陽廳治名古陽未知何時稱始抑有他義不可考矣

水田溪源出城南二十五里梓木坪與酉源自白羊山南北分流至本城南門外入古陽河 按以二河皆於治城外會羅依溪河

古丈坪廳志


卷二

三四

今其地名三道河並經流而三也

羅依溪城北三十里源出高望山下流經毛坪而入古陽河歸大江此羅依溪之支流全河以此爲總名後訛衣爲依 以上三則皆支流之附入羅江者故錄於此

阿拉溪圖




阿拉溪說

阿拉溪發源於扒有洞東南流過叭喇又南迤爲阿拉溪又東南至土蠻坡會於萬崖溪萬崖溪發源於保靖縣貶窩東南流右受大崖溪東過萬崕溪又東入廳西英保境至已着它龍鼻嘴東下潭溪東北過坎着至九龍洞東會阿拉溪南下平埧左受排阿溪東至於排苔又北迤過把腰寨至於丹青又北過銅鼓坡如瀘溪縣境是峒河錄輯略原文

平埧河城南五十里源出保靖縣之三岔河經萬巖溪南流至土蠻坡汎流五里至平埧可通舟又流五六十里抵乾州潭溪入洞河達瀘溪縣境程壹百壹拾五里 此卽指阿拉溪言與今所測定有互相詳略處

白洋河圖



白洋溪說


白洋溪有二源左源發西英保高涼洞轎頂山東南流過白洋山右源會焉右源發窩它田南至丫角山左受雞婁寨溪又南紆至於葛籐寨碓春溪會焉東過官坪至大溪坪穿洞溪會焉北過河棚至沙坪雄溪會焉又北東出螃蠏坪入瀘溪縣境又北入沅陵縣境爲酉水

錄輯略原文山水條

河蓬河城南四十里源出功全保白洋山經旦武汛南流九十里至瀘溪縣境水勢漸暢可通舟內納小溪水難以備載又東南流五六十里入沅陵縣境與洞坪河合流二十里出烏速口歸大江爲酉溪按此卽今永順縣志與沅陵縣志所載酉水出冲正保白

羊山經葛籐寨而入沅陵之酉溪也按此卽白洋溪惟功全冲正本文已自不符今審定左源發西英保轎頂山漸趨於明確輿地之學大都如此亦係詳略互見以省文

土 溪 圖



土溪說

土溪有二源右源發於上洞溪東北流過磨子坪至兩**彖**溪會左源發蒿根坪又東北過野猪坪至土溪芭蕉溪會焉又北受鮎溪又北至洞坪又東北至草塘受蓑衣坡溪入沅陵縣合於酉水錄輯略源文山水條

洞坪河城東六十里其源有二一出廳屬功全保之蒿根坪分水嶺經豺狗寨南流出土溪一出高望山經嚴溪西流至洞坪上流里許兩**彖**溪合流三十五里入沅陵縣境又與河蓬河合流出烏速口入大江亦名酉溪沿途亂石激流礙難疏濬不通舟楫（按卽此指土溪亦與今說互爲詳畧）

皇殿學宮廟祠圖說

古丈坪廳志

卷二

四十

皇殿學宮廟祠總說

古丈坪自建廳治將二百年矣尙未恭建

皇殿有

文昌祠而無

孔子廟以考試附於永順縣無學額遂無學宮也

文昌亦出捐祀祭銀非出經制光緒三十二年冬集紳民議建學

宮前殿恭奉

龍牌中爲

大成殿兩廡旁楹爲

文昌祠橫舍卽爲廳中學堂廳於是乎始有

皇殿學宮其

關帝廟

城隍廟皆廳之所舊有而出於文武官捐備祭儀不出於禮官其軍興以來陣亡將士之

昭忠祠亦係營中所自祀春秋祀典非地方官主事若

鄉賢祠


節孝祠

名宦祠則皆今因建

文廟而照章附建以感起斯人者特次恭繪

皇殿學宮及廟祠之應列祀典者其不列祀典而爲民間所私祀者未及詳繪另彙其說於後光緒丁未董鴻勳謹識

皇 殿 學 宮 圖



皇殿學宮謹說

謹按圖

皇殿闊三丈九尺 殿下降階高九尺 丹墀闊三丈八尺東西  
朝房及更衣所闊各一丈二尺長一丈八尺  
大成殿闊三丈九尺長三丈一尺 東廡 西廡闊各一丈二尺長  
各四丈三尺 丹墀闊三丈五尺長一丈八尺  
殿後卽爲中學堂講堂闊三丈九尺長二丈三尺自頭門至講堂占  
面積六十六方丈又五十二方尺堂東監學住房共闊四丈九尺  
長二丈一尺隙地闊二丈二尺長二丈二尺兩邊屋對待各二間  
闊各一丈八尺長各二丈自外至內占面積二十八方丈又五方  
尺爲自修室三間西偏爲

古丈坪廳志

卷二

四三

文昌祠並闊二丈九尺並廂房官廳共長五丈七尺後爲圖書器  
械等房並隙地共闊四丈二尺長三丈七尺再後爲寢室三間共  
闊四丈二尺長二丈一尺自外至內占面積四十方丈又八十九  
弓尺講堂後食堂盥所操場在焉闊約十三丈長二丈占面積二  
十六方丈全圖共占面積一百六十一方丈又四十六方尺

皇清龍興東土撫有中夏三百年矣

聖

聖垂統宜民宜人道尊

孔子治術學術於焉歸準薄海之內人儒冠而書尼山君臣父子兄  
弟夫婦朋友之倫得以相持不隳以與民生族姓共安於大地之  
內今

皇上卽位建元戊戌庚子之間異說繁興昔人所謂守之萬古而不變者經常之道一切放棄之至訾訾及我

孔子夫太公尙尊親而華士逞詖辭孟子興井田而許行倡並耕巧言亂德利口破法自古有之而束髮受書乃心

本朝誦法

孔子聽一日之浮游遂乃數典而忘背本而馳其無識力學術亦足見矣丙午孟冬廳之紳士合詞捐資請建

文廟旣得請乃鳩工庀材經之營之前殿恭奉

龍牌中爲

大成殿東西廡旁楹爲改修

文昌祠地本祠宇基址典祀有秩舉不敢廢禮也後楹橫舍卽爲

古丈坪廳志

卷二

四四

廳中學堂以時畢業觀

國光而應世務如是焉在古丈坪廳之言學者獨有以異於世之云云乃至於此挽狂瀾於旣倒障大江而東之充其所至吾道之干城而人倫之模範肇斯建造也凡官師執事樂助之人與木金土石之工之費皆詳書於碑陰以詔我後人蓋廳自唐虞屬荊州三代當列玉帛之會秦漢以後猶是郡縣之壤自五季淪於土蠻羈縻州鬱閉千年人文不啟

國朝雍正七年永順宣慰彭肇槐納土改流廳以白巖三長官司故壤駐永順府同知督捕已稱廳治道光二年准改撫民始與永順縣畫疆爲保四爲民村二百二十有八爲苗村五十有八寨戶口之數三萬有奇地方圓折算將五百里東西相距一百三十里

南北一百五十里五年議建學校爲時所尼遂附永順縣考試至是又將百年始有

文廟之建化民成俗其必由學

君師統繫瞻仰嚴肅今方教育普及民生已及學齡者皆必入學古丈坪以民數論之應設學甚多提綱絜領在此中學夫物積久而必昌才因時而奮起近代廳之人時有以功勳文學顯者時會所趨學校乃興自今以往宗尊

君國依歸


孔子本修齊誠正以輔世長民由格物致知以明倫盡性孝弟忠信謹言慎行所以存吾性輿算圖畫聲光電化所以致吾知體立而用宏古丈坪之士乃所謂善學

古丈坪廳志

卷二

四五

孔子而爲識時務之後傑也歟光緒三十三年丁未仲春知撫民府事董鴻勳記



文昌祠說


文昌上爲列宿古雖少專祀而文運所關報功宜先自祀典所隆徧於州郡守土曷敢怠焉廳無

文廟因無

文昌祠祭銀紳士捐資所建至於今不廢基址之闊因有


文廟之建置其

祠宇固獨先焉因圖如右



武廟說

武廟秩祀最隆廳亦無欸奉祀其工程則廳之公建祭則文武官之所捐備者爲圖如右



靖遠綏遠鎮遠三王廟說

靖遠綏遠鎮遠三王廟在廳城北關外人稱天王廟苗俗最所崇祀苗防備覽載神蹟有數說且其靈蹟著於苗疆各廳縣各廳縣志備載之今祇詳 奏案一則以省文字錄咸豐六年湖南巡撫駱請 加封王爵部議節畧


奏稱永綏廳三侯廟神係楊姓弟兄三人長名瀨并武勇

宋時屢禦苗寇民立廟祀之又永綏廳志後漢時有楊氏弟兄三人英勇過人屢敗苗眾後人立廟奉祀嘉慶二年

勅封宣威助順靖遠侯鎮遠侯綏遠侯道光十七年加靈應二字二十八年加保安二字旋奉

旨著晉封宣威助順靈應保安靖遠王鎮遠王綏遠王欽此

圖 廟 隍 城 城



楊

室祝廟

殿隍城

廳官初

姓

普明宮

崇真宮

宅

太和宮

討絕宮

明晨宮

討倫宮

巷

七非宮

神華宮

肅英宮

碧真宮

門

利地土

戲臺

門

初

等


學

堂

城隍廟說

城復于隍見於周易左氏傳有救火祭壙之文說者謂城隍之祭所由始六朝北齊始有城隍神之文自是城隍如地方官之因地方而設陰陽分司有臨民之責

古丈坪廳城隍爲最靈民服焉官司之不能丫者神力資焉其說詳後爲圖如右



昭忠祠說

昭忠祠祀古丈坪營之從軍而沒於陳者其詳具人物列傳


衙署倉庫圖說

衙署倉庫總說

錄輯畧公署條原文三則

同知署雍正十年建照牆頭門二間東西書皂房六間大堂三間  
廂房三間過廳二間書房三間住房三間廚房三間下房三間周  
牆八十五丈道光三十年燬於火署撫民府秦廷杰重修  
監獄一間原在同知署西今朽爛未修有命犯移寄永順縣監軍  
裝庫額儲收繳苗人烏鎗刀矛年久朽壞皆成廢鐵錄輯畧倉儲  
條原文一則

常平倉在同知署西倉廩六間道光三十年八月民房失火被燬  
前同知秦廷杰修復同治八年同知覺羅克從重修



種

園 姓 楊

撫民府署圖

刑幕

上房

廚房

二堂

花廳

教讀室

下

西花廳  
故址

門房

過廳

房

桐

蕉

街

植

大門

庫

巡

常平倉

產科  
兵科  
工科

桐  
柳

桐  
柳

產科  
兵科  
工科

檢

差廳

柳

儀門

柳

獄

園

頭門

五通祠

鼓樓

鼓樓

署

西環門

東環門

池

古丈坪撫民府署說 庫說附見

雍正十年之修同知爲張廷慶嘉慶二年同知林龍章以署燬於苗捐貲重建光緒二十一年燬於火同知汪明善借廉重修與輯略原文詳略互見

光緒三十二年冬署同知董鴻勳請借屯倉食穀二百石修理衙署三十三年二月興工添建差廳庫房內外整飭尙未告竣自轅門以次爲之聯語亦可見斯廳之大略與守官之所以自盟者東西轅門曰扼苗塞楚襟蜀引黔 儀門曰鼓吹雄邊守冠裳會象胥 頭門曰古丈場今樂土一坪風景開圖畫安撫使理民官九府英華洩隩區 大堂曰皇朝分郡陶唐繫州史書黯澹四千年文物聲明自今而盛百蠻鼙鼓萬戶兕觥朝政方追三五代遵

古丈坪廳志

卷二

五八

親樂利與古常新



二堂曰躬行未得無情者盡辭將思勉效守官惟恃此公生明虛生白善氣相迎設誠以致違庶各廓然毋我用能使案如水判如山 會客廳事額曰便人以開礦疏河種植興學欲以便於古之人登斯堂者幸告所便於人之事竊取后稷之自稱者以爲之說廳署屢燬無差房無庫故添建之以成署制

古丈坪廳庫記

古丈坪廳庫見於奏案古丈坪營兵餉應寄存古丈坪同知庫中以時監放故今古丈坪營弁請餉必須廳中出結乃得請於藩庫永順縣志古丈坪廳輯畧言庫有收繳苗民鎗械已久朽廢今雖見無然苗悍民強器械之繳歲有所聞是二者皆要政所關古不

可以無庫久矣今因修署乃爲庫二間於大堂之左謹其管鑰命  
專司役而後餉械有所寄廳如是始復有庫光緒丁未仲春董鴻  
勳記

撫民府署 常平倉圖



常平倉說

常平倉凡六廩曰豐字曰盈字曰裕字曰充字曰盛字一缺義倉穀附存於廩

錄輯畧倉儲條原文

計倉儲穀一千九百八石六斗七升除清查案內徐畢二任虧短外現實存穀一千一百四十三石八斗

古丈坪廳萬石倉記

漢耿壽昌本周禮管子之法爲常平倉趙充國本黃帝三代井田制兵之法爲屯田積穀宋朱子本鄉三物睦婣恤鄰之法爲社倉社倉者後世亦謂之義倉

國朝之制常平義倉通於行省府廳州縣然義倉或有或無常平

倉列於經制名存而實亡者百十之一二屯田積穀則於邊境苗疆偶有之與明世衛所碁布之制異矣古丈坪廳制未盡完全一切章程簡畧獨倉儲三者皆備常平倉在署西偏爲廩五曰充曰豐曰裕曰盛曰盈爲穀一千一百四十三石八斗今如數屯田積穀由嘉慶紅苗之役前任鳳凰廳同知傅壯肅公奉

旨督辦邊防仿貴州九衛屯田之法於苗平時隨地安屯置防爲勢分消強之策廳自雍正改流至時猶祇永順府分防督捕治以苗疆重要故防務特周爲屯倉者三一在龍鼻嘴一在曹家坪一在城合爲歲收穀四百餘石城屯倉在常平倉之南爲廩二爲穀一百一十餘石以時支放常無餘積惟獨義穀無倉寄於常平倉廩爲穀三百三十四石又爲銀二百八十兩作價七錢一石爲穀

當四百石光緒三十二年春前政臨川李公翊煥請准以義穀借放生息裨學堂經費夏六月二十有一日鴻勳來撫是邦思所以爲吾民厚積儲並藉以移苗疆重利之風者乃稟定章程合存銀購穀自光緒三十三年爲始春借秋還石穀息三斗以一斗裨學堂費七升備損耗三升爲經理管倉人役伙食雜用其一斗仍存倉遞年加入本穀出放十年之後可至穀二千石二十年後可至五六千石常此生息萬石固可屈指待也故爲之倉而名之曰萬石夫一年之計在於樹穀今謀積儲於二十年之後顆粒而節嗇之母乃非遠圖然一年之間歲時風雨偶或不齊則告糴之艱采買之艱山路背負之艱灘河挽運之艱千辛萬苦非言能盡若使萬石在倉吾知廳境卽偶有歉歲父子兄弟相保無虞長爲

盛世休養生息之民矣人生一日不再食則飢七日不食則草根樹皮不足以存其身雖百年之違皆此一日七日所續積儲之關於民生至矣哉伊尹書曰金成湯池非粟不守廳固昔之戰地也以地利兵防言之有備無患是爲要政漢人言重農貴粟金玉非寶飢餓迫身父子夫婦不能相顧今  
朝廷力求富強守土者父母斯民果於此加之意庶幾以一廳之富積而爲

朝廷之富也後之守土者能守成法謹筦藏其爲功於百姓也豈下於推食食之也哉孟冬旣望知撫民事董鴻勳記

龍鼻嘴行台記

龍鼻嘴去城五十里又十五里至賣若塘與乾州直隸廳之馬頸均接界古丈坪廳所屬苗寨環龍鼻嘴而居者大半故言苗防者龍鼻嘴常爲重地山環水抱市場交易有石礮一座甚雄壯較治城地勢尤峻有汛防把總署有屯把總署有屯倉有苗守備署巡憲行台在焉歲以十月巡苗疆由永順至廳之站塘口入界五里而至羅依溪市陸行三十五里至廳城宿先日自永順府城一日宿虎子坪二日宿王村司皆永順縣境也自王村水路十五里而至廳境及抵治城一日已戒塗五十里車殆馬煩而止宿焉故以廳署爲行轅次日入陸行五十五里山路崎嶇縴夫背輿而後前過白崖溯羅江上源平地程百里無此艱阻五易民苗之夫而

後至

巡憲行台倚於屯倉有門有堂有辦公之室另爲蓆棚以爲庖厨雜役之所光緒丙午冬十月

巡憲蓮花朱公巡閱過境鴻勳隨侍至此點屯苗弁兵閱屯倉民苗率服團練排隊以迎威儀肅靜仰

節鉞之嚴焉旣入夜鴻勳另寓於汛把總署拾級而上入礮門署頗闊敞俯視燈火百餘家民苗耦俱無猜阿拉溪在前水聲瀾瀾清人心目凌晨負弩奉送行旌山色放曉鳥語人息弓刀靜穆忘其爲苗疆爲古用武地矣望塵已遠乃轉回署日猶未入也龍有煤鐵各礦方派工委紳經理如得利剷平道路以驟焉馬駝負至羅衣溪出酉水不難也龍之苗民頗有富戶婦女首飾重者以銀至

數斤亦有養蠶者爲苗錦織成被褥之具價重者物亦頗佳役既  
竣乃爲之說以誌鴻瓜瓜又有道自保靖縣之萬崖溪屯倉所在十  
里而至龍鼻嘴逕過乾州不由廳城廳吏至行台侍  
節此則每歲巡閱常行道今年龍山有事  
巡憲往彼勾當後由永順回行故如此程向亦偶有之者

南竹傅公祠記

山陰傅壯肅旣以鳳凰同知奉

命督辨邊防平苗設屯興教立養移永綏於花園列古仗坪廳於苗要屯弁土備徧於鳳乾永古之間旣而建巡節陳臬事藩條權任開府晉銜凡經營苗疆之政公猶睠睠不忘未幾以勞勩卒於外臺

朝廷歎息未竟大用紳民奔走慕若慈父而苗疆之民之苗之土之犵狁之客尤痛悼於親建祠尸祝列於太常光緒三十一年

朝廷復允疆臣之請

予謚壯肅卹恩有加三十二年季夏下浣澶淵董鴻勳未守是任咸秩無文念斯廳之在嘉慶朝猶是永順府督捕分防所治而章奏

公牘直爲一廳道光初遂有畫疆土改撫民之事蓋自有公而古丈坪廳遂爲湖廣湖南之要缺其人其山川亦因之並重至於今百年有餘營汛碉卡屯田義學皆見洪烈古宜百世祀公也乃求其祠而不可得旣祀於倉吏以告曰苗疆各廳謂

倉神皆稱傅公祠余乃知公之徧祀於苗疆而苗疆之不忘公也久矣乃爲之位以奉於龕竊以伸紳民報德之心與守土景行之願明年三月余旣徧種湖桑於園於圃於林以及六堡又先營各種嘉樹於種植園乃徧求苗廳境無南竹有貴竹水竹南竹之筍冬春皆有其材中樑棟之輔百物之待以爲囊橐者尤眾不可不爲古民開此利源也爰捐廉專勇求其種於永順縣屬之別夕陸路百二十里外得竹十株以種於祠側平安日報修竹成林青

玉女如見公之丰儀古仗坪廳百年之利亦自此始矣夫苗疆南  
竹方船而下與木材并爲民間大宗財貨古獨無此且一切器具  
待用於鄰縣歲糜金錢將千竿材之少出於土者尙難懸計今若  
此其收回與增出者可以數卜耶  
傅公而靈其亦祝此竹之利吾古以無窮而欣馨之光緒丁未暮  
春之初董鴻勳紀石

署檢巡

廳 花 署 廳

民

(大 堂)

上 房

(科 房)

門 房

三 堂

儲 房

(獄)

門 儀

廳

(五 通 祠)

庫 房

門 頭

庫

房

巡司兼管獄務署說

錄輯略公署條原文一則

巡檢署在同知署東道光三十年燬於火咸豐八年巡檢何珮捐廉重修頭門皂房二間大堂三間二堂三間厨房二間住房四間光緒二十一年燬於火巡檢楊亦楷重建

查巡檢原係桑植上下二崗巡檢道光三年奉准裁移改爲古丈坪廳巡檢司專管緝捕兼管獄務改鑄印信 部覆已回至今時閱八九十年仍係用木質鈐記未知何故 衙署敝壞大堂傾圮光緒三十二年巡檢張正綱請領本署應食屯穀六十石分五年攤還修理亦未復舊惟苗疆要缺觀瞻所繫宜有以新之擬俟礦務有成再爲設法辦理

營汛城堡圖說

營汛城堡總說

古丈坪營向無營汛惟於附近之旦武營土蠻坡龍鼻嘴山棗溪新寨五處設把總一員兵七十名分防嘉慶二年以爲永保藩籬奏添設古丈坪營設都司一員千總二員把總二員外委二員額外三名兵四百名合原駐共兵四百七十名駐劄本營分安各汛現裁存馬步戰守兵三百五十名

錄輯略俸廩條原文一則

古丈坪營額設馬戰步守兵四百三十八名與原今額皆不合未知所據

本城馬兵八名 戰守兵一百五十七名

古丈坪廳志

卷二

六九

附城新寨汛駐戰守兵三十七名

旦武營 牀機坡汛共駐戰守兵六十名

龍鼻嘴 巖坳汛共駐戰守兵六十名


土蠻坡 曹家坪汛共駐戰守兵五十四名

黑潭坪 排沙汛共駐戰守兵五十五名

口糧由營請領發給

城以衛民近治者得所憑恃地當扼要民眾之所團聚則建堡雖衝要而狹隘不能建堡者則議作壘以棲壯丁廳四保本皆作堡不必實有堡今直稱保惟本城原古丈坪堡改廳稱城龍鼻嘴有石堡比於城亦爲重鎮焉

古丈坪營都閩府圖




古丈坪都闔府署說

古丈坪卽古丈坪廳治所在廳以此名未設營以前祇於新寨等五處駐把總一員兵七十名但地連乾州密邇苗巢最爲要地嘉慶二年乃設專營名曰古丈坪營仍隸永順協兼轄湖廣提督統轄現爲湖南提督三十六營之一仗字亦省書文字

古丈坪本營駐都司一員存城千總一員火葯局額外一名兵一百八十名原奏千總駐龍鼻嘴把總駐城

都司署在同知署後（輯略原文祇此一語）嘉慶二年建火葯局在東城外（此語亦輯略原文）


崇城署圖



耑城千總署說

原奏千總二一駐龍鼻嘴而一把總駐城今龍鼻嘴係把總而存  
城係千總稱曰耑城未知何時所移  
存城千總官房在同知署西南輯畧文今署局面亦尙好

新寨汛署圖



新寨汛說

分防營西新寨汛駐外委一員兵二十名

新寨在廳治古丈坪南二里與乾苗密邇當萬山之中盤渦徑仄  
蒙茸犖确行人舉足蹒跚亦險要之地故設汛焉

龍 鼻 山 汎 圖

石

石

寢室

寢室

聽差房

大堂

會客廳

門頭

堡

堡

堡

龍鼻觜汛說

分防營東龍鼻觜汛駐把總一員原定千總兵四十名  
龍鼻觜僻在南隅當羣苗之衝爲鎮防天險亦爲征戰要地後路  
通塞關係甚要雖下有土蠻坡汛上有保靖營之卑禾汛緩不足  
濟若乾鳳有事實據上游之勢

龍鼻觜廳治古仗坪西南六十三里層巖竦峙轟轟崢嶸路從石  
壁中猱扳蟻伏苗犵雜處極爲險要汛防屯防苗防三防皆備

且武營汎署圖

地

民

民

寢室

堂

寢室

兵房  
兵房  
兵房  
兵房

兵房  
兵房  
兵房

陞官祠

頭門

房

房

旦武營汛說

分防營南旦武營汛駐千總一員兵四十名  
旦武汛四通八達巖均爲至廳之通衢床機爲至辰之要道曹家  
坪爲達土蠻坡龍鼻嘴之扼塞苗疆背後之重也

土蠻坡汎署圖

山

山

山

寢室

寢室

客房

廚房

門頭

地


地

水

土蠻坡汛說

分防營東土蠻坡汛駐把總一員兵三十名  
土蠻坡勢在馬腹爲龍鼻嘴且武營之聲援  
按又有分防營東南山棗溪汛兵十名現已無分防非復舊制矣  
以上土蠻坡且武營龍鼻嘴新寨四汛（山棗溪包在內）嘉慶間  
係就原設汛地添兵防守

圖署汎坏潭黑




黑潭坪汎說

分防營東黑潭坪汎駐把總一員兵四十名

黑潭坪地雖平衍實廳之北戶下臨羅依溪抗北河咽喉上通龍  
鼻觜鎮撫苗疆扼乾鳳之背


曹家坪沈署圖



曹家坪協防汛說

分防營東曹家坪汛駐外委一員兵二十名爲土蠻坡協防曹家坪踞廳陸路之上地方肥沃維此苗疆實扼抗背


司 署 汎 坡 機 床



狀機坡協防汛說

分防營東牀機坡汛駐外委一員兵二十名  
狀機坡汛署在河蓬爲本廳與辰州沅陵瀘溪三交界之處最爲  
要地乃旦武營汛之協防


岩坳汛署圖



坳巖協防汛說

防分營東南巖坳汛駐額外一名兵十六名爲龍鼻觜之協防與  
新寨皆爲腹心之險


排沙汎署圖



排沙協防汛說

分防營東南排沙汛駐額外一員兵二十名爲黑潭坪之協防此  
汛地已插入永順縣而汛防屬古丈坪營

火藥局署圖



附城協防火葯局說

火葯局之建見於

奏案以苗疆要地軍火爲急駐左司額外一名

圖防塘堡城




城堡塘防說

古丈坪廳城卽石堡嘉慶十年苗變善後案內新築龍鼻觜石堡一座亦其時所築比城堡尤雄承平日久亦漸頽敝矣嘉慶間開設專營新設 賣若塘 半坡塘 蔡家莊塘 河蓬塘各撥兵六名

錄輯略原文塘防條一則

半坡塘 蔡家莊塘 河蓬塘 賣若塘 山棗溪塘



校場說

歲以二月十五七月十五兩日開操十二月中非盛暑嚴寒不停  
操現尙用從前陣圖云